

Služba za boračko-invalidsku zaštitu

Na osnovu člana 1. Instrukcije o provođenju Programa poticaja upošljavanja pripadnika braniteljske populacije Zeničko-dobojskog kantona broj 02-34-8149/16 od 07.04.2016. (u daljem tekstu Instrukcija), Gradska/ Općinska služba Zenica objavljuje

OGLAS

za dodjelu podsticaja zapošljavanja branilačke populacije u Zeničko-dobojskom kantonu

I. Predmet oglasa

Obavještavaju se branoici i članovi njihovih porodica sa prebivalištem na području općine/grada Zenica, kao i povratnici u Republiku Srpsku koji ostvaruju osnovna prava iz branilačko-invalidske zaštite u općini/gradu Zenica i koji su na evidenciji nadležnog organa za vojne evidencije u općini/gradu Zenica, **o mogućnosti podnošenja zahtjeva za dodjelu jednokratnih, nepovratnih novčanih sredstava u svrhu podsticaja zapošljavanja.**

Programom podsticaja zapošljavanja povećava se konkurentnost podnosioca zahtjeva, pripadnika branilačke populacije, na način da isti, aktivno nastupajući na tržištu rada, traže zaposlenje uz bjanko primjerak Ugovora u zaposlenju kojim će se precizirati obaveze poslodavca, podnosioca zahtjeva i Ministarstva. Predmetnim Ugovorom se Ministarstvo obavezuje isplatiti gore navedeni iznos podsticaja poslodavcu, a poslodavac se obavezuje zaključiti sa korisnikom Ugovor o radu u trajanju od 24 mjeseca.

II. Pravo učešća na oglasu imaju:

- Dobitnici ratnih priznanja i odlikovanja
- Ratni vojni invalidi.
- Demobilizirani branioici, koji su u Oružanim snagama RBiH proveli najmanje 24 mjeseca u periodu od 06.04.1992. do 23.12.1995. godine osim lica koja su u OS pristupili kao maloljetni ili neposredno po punoljetstvu, a sa minimalno 12 mjeseci provedenih u OS RBiH.
- Djeca poginulih branilaca do 35 godina života, djeca umrlih RVI i djeca umrlih nosilaca najvećih ratnih priznanja, do navršenih 30 godina života.
- Udovice poginulih branilaca.
- Udovice ratnih vojnih invalida koja je sa istim živjela u braku najmanje dvije posljednje godine dana prije smrti.
- Djeca umrlih demobiliziranih branilaca koji su Oružanim snagama RBiH proveli najmanje 24 mjeseca u periodu od 06.04.1992. do 23.12.1995. godine koja su sa istim živjela u zajedničkom domaćinstvu ili ga je isti izdržavao najmanje posljednju godinu dana prije smrti, do navršenih 30 godina života.
- Udovice umrlih demobiliziranih branilaca koji su Oružanim snagama RBiH proveli najmanje 24 mjeseca u periodu od 06.04.1992. do 23.12.1995. godine i koja je sa istim živjela u braku najmanje dvije posljednje godine dana prije smrti

III. Potrebna dokumentacija koju prilažu kandidati za dodjelu sredstava (original ili ovjerene kopije ne starije od 3 mjeseci od dana podnošenja zahtjeva):

- a) za fizička lica:
- uvjerenje (rješenje) o statusu pripadnika branilačke populacije;
 - ovjerena kopija lične iskaznice;
 - prijava prebivališta/boravišta (CIPS);
 - uvjerenje o kretanju;
 - uvjerenje sa evidencije nezaposlenih;
 - uvjerenje nadležne Poreske uprave o nepostojanju poreskih obaveza
- b) za pravna lica: (**dostaviti naknadno od potencijalnog poslodavca uz ovjeren obrazac Ugovora o zaposlenju**)
- dokaz o ispunjenosti obaveza u vezi sa plaćanjem penzionog, invalidskog osiguranja i zdravstvenog osiguranja;
 - dokaz o ispunjenosti obaveza u vezi sa plaćanjem direktnih i indirektnih poreza, u skladu sa važećim propisima.

IV. Visina sredstva

- za lica sa NK, KV, SSS, VŠS, 6.000,00 KM po jednom novozaposlenom radniku;
- za lica sa VSS 7.200,00 KM po jednom novozaposlenom radniku.

V. Postupak odobravanja sredstava

Zahtjev za podsticaj zapošljavanja zainteresirani kandidati podnose samo na za to posebnom (propisanom obrascu) od strane Ministarstva, uz obavezno prilaganje kompletne dokumentacije, kao dokaza o ispunjavanju uslova javnog poziva, sve potrebne informacije mogu se dobiti u nadležnoj Službi branilačko-invalidske zaštite općine/grada i Ministarstvu.

VI. Prijave na oglas se mogu izvršiti zaključno sa 13.05.2016.godine (petak).

VII. Podnošenje zahtjeva

Obrasce zahtjeva zainteresirani kandidati mogu preuzeti pri nadležnoj službi Općine / grada Zenica na info centru.

Podnosilac je dužan svojeručno potpisati zahtjev, kojim potvrđuje i da je priložio svu potrebnu dokumentaciju traženu javnim pozivom (original ili ovjerene kopije ne starije od 3 mjeseci od dana podnošenja zahtjeva).

Zahtjevi sa kompletiranom dokumentacijom dostavljaju se nadležnoj službi Općine / grada.

Nepotpuni, neblagovremeni i neuredni zahtjevi neće biti uzeti u razmatranje.

Broj: 13/03-3-1-14-6806-3/16

Datum: 14.04.2016.god.